

**GOBIERNO A ORGANISA
UN ENCUENTRO CU
SECTOR PRIVA NA TASTE
MY ARUBA**



WWW.SOLODIPUEBLO.COM



SOLODIPUEBLO@GMAIL.COM

**REINA
DI
TUMBA
#52:
GILIANE
WESTER**



**SULINA YIP CORONA
COMO REINA INFANTIL DI
TOB PA 2024**



urante parada di fantasia na Sanicolas, TOB a hasi coronacion di su reinanan durante transmicion di Canal 22 TV.

Sulina Yip a keda corona como reina di 2024. Masha pabien na famia Yip, Sue y Allan y tambe na henter famia Wu- Yip.

RESULTADONAN FESTIVAL DI TUMBA ARUBA 52:

1. Reina di Tumba: Giliane Wester cu Baranca. Compositor: Ronwayne Kock. Areglita: Denny Loefstop.
2. Promé Finalista Festival di Tumba 52: Richard Quant cu Tras di e baricada. Compositor: Richard Quant y Gibi Doran. Areglita: Xemio Jacobs.
3. Segundo Finalista Festival di Tumba 52: Jerwin Hernandez cu Dr. Tumba. Compositor: Ronwayne Kock. Areglita: Denny Loefstop.
4. Ganado Tumba Loco: Tyson Croes cu Pat'i Camel.

- Compositor y Areglita: Janiro Eisdén y Rygel Isabella.
5. Best Costume: Jerwin Hernandez.
6. Rookie of the Year: Sindy Loefstop.
7. Artista Mas Popular: Giliane Wester.
8. Mihor Banda Uniformá: Bomboshi Band.
9. Mihor Composición: Giliane Wester cu Baranca. Compositor: Ronwayne Kock.
10. Mihor Areglita: Denny Loefstop cu Baranca.

**POLIS INVESTIGANDO E FORMA
MISTERIOSO CU AUTO A PEGA NA
CANDELA DEN CURA DI CAS NA
POS CHIKITO**



Secretario General di MEP: Bandido di AVP den corte den 2024



**BENNY SEVINGER
DI CASO
AVESTRUZ LO
TA DEN CORTE
PRONTO DEN
LUNA DI MEI**

Prome Minister Evelyn Wever-Croes: Betico, e Lider stima pa su pueblo SU AMOR PA SU PUEBLO TA HACI CU AWE SU PUEBLO TA STIM'E Y RECORD'E COMO UN GRAN ARUBANO

“Mi no ta un tata di un famia, cu ta consisti di homber y muhe y yiunan. Mi ta un tata particular, tata di un famia grandi, tata di un pueblo, nos pueblo di Aruba.”

25 di januari ta un fecha special pa Aruba. Un dia nacional na unda nos comunidad por goza di un dia liber. Un dia na unda nos ta recorda e fecha natalicio di nos Libertador Gilberto François Betico Croes kende, si ta na bida, lo a haci 86 aña.

E amor incondicional di Betico Croes pa un pueblo, su boluntad pa haci un sacrificio personal pa beneficia su pueblo, su accionnan incansable pa salba su pueblo, su bondad legitimamente compasivo pa su pueblo, su corage pa enfrenta forsanan grandi pa su pueblo, su noblesa pa sirbi su pueblo, ta haci cu awe su pueblo ta recorde como un heroe, como un tata, como un libertador.

Gilberto François Croes, miho conoci como Betico, a nace dia 25 di januari di e aña 1938 den un famia humilde na Santa Cruz. Su tata tawata Fransisco miho conoci como Panchico, y su mama tawata Mimita Croes-Lopez. Hunto nan tawata tin 11 yiu. For di mucha, Betico tawata hopi stima pa esnan rond di dje. E tawata gusta yuda

otro. Betico tawata yuda Pastoor tambe como misdinaar. Algo sigur cu ta di remarca ta cu for di hoben caba, tawata bisto cu Betico un dia lo bira un lider.

Betico a asisti scol basico St.Jozef School na Santa Cruz. Awendia e scol aki yama Colegio San Hose. Despues Betico a bay St. Dominicus College, na unda el a termina su H.B.S. Na aña 1954 pa 1958 Betico a bay Kweekschool na Hulanda na unda el a studia pa maestro di scol. Na Hulanda Betico no a perde oportunidadnan pa demostra su calidad di bira un lider y tawata activo den diferente organisacionnan social Antiyano y tambe tawata organisa reunionnan pa studiantenan Arubiano y Antiyano na Hulanda.

Despues di su estudio, Betico a regresa Aruba y a traha na St.Jozef School como maestro, e mesun scol unda cu el a bishita como alumno. Y despues, Betico a bay traha na MAVO St.Antonius College na Santa Cruz, cu awo ta Colegio San Antonio.

Na Aña 1962, Betico, cu 24 aña, a drenta enlace matrimonial cu señora Glenda Croes di cua matrimonio a sali 4 yiu, Guisette,



Glenbert, Junior y Glendeline. Yiunan, cu na un tempran edad, a biba sacrificio di nan tata pa su pueblo. Betico a sacrifica su famia, su yiunan pa e por traha pa e pueblo di Aruba. Palabranan inolvidabel cu Betico Croes a uza, di Omar Torijos di Panama, ta duna honor na e sacrificio aki: “E felicidad cu mi ta desea pa mi propio yiunan, ta e felicidad cu mi ta desea pa henter e pueblo di Aruba”.

Na 1967, Betico a drenta e arena politico riba lista di AVP. Como politico hoben, Betico a bin cu cambionan den politica. E tawata posee un deseo grandi pa uni e pueblo y pa Aruba haya su autonomia. Betico a fungi como diputado pa algun aña y a bandona e partido AVP despues di a wordo inspira pa funda su propio partido.

Dia 9 di februari 1971, Betico a funda Movimiento Electoral di Pueblo MEP y su popularidad den pueblo a crece mas y su lucha a bira mas ferviente pa lucha pa realisa e causa di su pueblo. Betico a bira e lider mas stima di Aruba. Pakico su pueblo ta stim'e?

Betico tawata amigo di pueblo, hende di tur hende. Su lucha pa logra libertad di nos pueblo tawata incansabel. Betico Croes tawata un luchador pa su pueblo. Y ta su noblesa pa realisa libertad di nos pueblo, awe ta haci cu Aruba ta stima Betico Croes.

Den nomber di Gobierno di Aruba, Prome Minister Evelyn Wever-Croes ta invita comunidad di Aruba pa asisti na Manifestacion Cultural diaranson 24 di januari, 8or pa 10.30 anochi na Plaza Libertador GF Betico Croes y pa Ceremonia Protocolar diahuebs 25 di januari, 9or pa 10.30 di mainta na Plaza Libertador GF Betico Croes. Tambe lo tin diferente actividadnan den barionan di Aruba. Pabien Aruba cu Dia di Betico. “Ban celebra e dia aki na grandi. Disfruta di nos programa dedica na e pueblo pa hunto nos recorda e lucha di Betico.”

POLIS INVESTIGANDO E FORMA MISTERIOSO CU AUTO A PEGA NA CANDELA DEN CURA DI CAS NA POS CHIKITO



Diabierna madruga a drenta informe di cu un auto lo a pega na candela na Pos Chikito mesora a dirigi tanto polis como bombero na e sitio. Na yegada di e patruya ya caba e habitantenan mes tabata caba di paga e candela y ora bombero a yega ya nan a paga e candela por completo. Polis a inicia cu un investigacion con por ta

cu esaki a pega na candela.



Secretario General di MEP: Bandido di AVP den corte den 2024

BENNY SEVINGER DI CASO AVESTRUZ LO TA DEN CORTE PRONTO DEN LUNA DI MEI


E caso Avestruz cu Benny Sevinger, ex-Minister di AVP, condena caba den corte di prome instancia ta den corte bek durante aña 2024. E caso Avestruz ta e caso unda Benny Sevinger, ex-Minister di AVP y miho amigo di Mike Eman a mal uza su poder pa facilita su kring di amigo "family & friends" pa bende terenonan di pueblo y bira miyonario. Amigonan tabata pidi tereno comercial y ta haya esaki, pero ya nan tabata tin cumprado. Por ehempel Leoncita a lanta diferente NV y uza hasta su propio yiu e tempo aya di 19 aña como director di NV pa un proyecto di 20 miyon florin. Manera a ricibi e tereno cu Benny a facilita Leoncita, nan a bende esaki mesora y gana miyones. Banda di esaki Benny tabata laga su best friend Susebeek paga pa drecha su cas. Susebeek

ta padraastro di La Reina del Sur Gerlien Croes. Asina a prueba den cortre cu Susebeek a paga 100 mil florin pa traha cura di cas, cumpra un hardin y cumpra un gym extra luhoso pa Benny.

Hues a castiga actornan den caso Avestruz cu 11 aña di prison:

Despues cu e caso a wordo trata di october te december 2022 a dura hues 4 luna pa yega na un veredicto. Diabierna 14 di april, hues a sentencia tanto Benny Sevinger y tur su amigonan cu un total di 11 aña di prison. Na Orca Bank na Curaçao tin un cuenta cu un suma di 2.4 miyon florin riba dje riba nomber di Susebeek e best friend di Benny Sevinger. E placa aki tambe a bini di bendemento di tereno. Den e sentencia di hues a dicta pa "verbeur" e suma

aki. Pues a dicta pa incauta y kita e suma aki di Benny Sevinger su "best friend". Banda di esaki, hues a dicta cu Benny "himself" pa 5 aña no por aparece riba un lista politico y tampoco por tin un funcion den aparato publico. Banda di tur esak, hues a reparti mas di 100 mil na boet na diferente di e actornan. Mike Eman y su sapatonan bieu a traduci esaki den un victoria y a bay celebra. Durante aña 2024 y segun informacion den luna di mei, Benny Sevinger lo ta den corte bek pa tres (3) hues trata e caso aki y muy probablemente Benny lo haya un sentencia mucho mas pisa cu el a ricibi caba den corte di prome instancia. Sinembargo, Mike Eman y AVP ainda ta sostene un Benny corrupto den su alma cu sentencia riba su cabes. Berguensa di mundo pa esnan cu ainda lo vota pa un partido den



decadencia di e manera aki.

Mike y AVP nunca mas:

Despues cu Benny y henter su gang a ricibi e condena di 11 aña di prison total reparti entre nan, Mike Eman a sali bay fiesteha na cas di partido. Prohibi pa lubida! Mike Eman y tur e sapatonan bieu di AVP a traduci e condena tras di trali aki na un victoria.

Tristo pa mira e reaccion unda algun "friends and family" di AVP a cay den wega y tabata baila na cas di partido. Wel, e luna di mei ta acercando y nos kier mira ta ki fiesta AVP lo bin cu ne. IMPOSIBEL pa Benny, e bandido di AVP, por sali liber pa tur locual el a haci. Aña 2024 ta bay ta e aña cu AVP lo pasa pa pasado!

CENTRO DI BARIO STA. CRUZ CU CHARLA RIBA ANSIEDAD

CENTRO DI BARIO SANTA CRUZ

CON PA DEAL CU BO EMOCIONNAN PA EVITA

ansiedad

GRATIS

MFA SANTA CRUZ

23 JANUARY 2024

7-9 PM

REGISTRA: 5942293

info@cbsantacruz.org

POLIS A BOLBE DETENE HOMBER CU TA YEGA CAS BURACHI Y DROGA BUSCANDO PROBLEMA



iahuebs madruga a drenta informe di cu atrobe pa di tantisimo biaha e tabata ta yega cas bao influencia y ta bira agresivo buscando problema, mesora a dirigi patruyanan na e sitio. Na yegada di e patruya nan a bolbe detene y bay cun'e warda di polis pa e pasa su wayaba y baha su rabia den cel y laga su famia trankil sin preocupacion.

Secretario General di MEP Sr. Endy Croes:

DANKI BETICO PA BO LUCHA, BO SACRIFICIO Y NOS SATUS APARTE

Secretario General di MEP Endy Croes ta felicita henter Pueblo di Aruba cu e celebracion di Dia di Betico, e siman aki 25 di januari proximo. Ban sali y ban celebra. Danki Betico!

Ken ta Betico ?

Betico Croes a nace dia 25 di januari 1938 y si Betico tabata na bida e lo a cumpli 86 aña di edad e aña aki. Betico a bin di e pueblo humilde di Santa Cruz y ta yiu di defunto Panchico y Mimita. Betico tabata felizmente casa cu Glenda y tin 4 yiu, esta Gisette, Glenbert, Junior y Gleneline (Lalo). Number corecto di nos Libertador Betico Croes ta Gilberto François "Betico" Croes. Betico tabata gusta deporte y musica. No solamente Betico a dirigi koor di misa Inmaculada Concepcion na Santa Cruz, pero Betico tabata tin su propio grupo, esta Betico y su Grupo. Cu e grupo aki, Betico tabata pasa cas pa cas fin di aña tocando su acordeon y sonando e Dande. Despues cu Betico a fayece, e grupo a cambia di number y a bira Grupo di Betico. Betico a bay scol basico y a continua HBS na Sint Dominicus College. Betico a sigui su estudio na Hulanda na Hilversum y a bira maestro di scol. Betico a regresa Aruba y a traha na Sint Jozef School pa 6 aña, cual awendia tin e number di Colegio San Hose. Betico a sigui studia y a haal LO den Handelskennis y LO Spaans. Despues Betico a traha 2 aña na Colegio San Antonio na Santa Cruz di aña 1965 pa 1967.

Betico su amor pa Aruba:

Betico tabata tin un amor grandi pa Aruba y a dicidi di subi lista politico pa duna aporte na su pais di un otro forma. Na aña 1971, Betico a kibra cu AVP y 9 di februari 1971 a lanta su propio partido Movimiento Electoral di Pueblo (MEP). Su determinacion tabata pa saca Aruba for di constelacion Antiyano cu e momento ey tabata 6 isla. E isla mas grandi cu ta Curaçao tabata esun dominante. Betico a bringa y lucha pa nos Status Aparte. Un lucha incansabel di 15 aña prome cu Betico a logra. E lucha no tabata uno facil.

Algun parti di e lucha:

Den e luna di augustus di aña 1972, Betico a forma parti di delegacion di Reino pa bay Surinam. Betico a plantia bek e idea di Status Aparte, pero lamentablemente otro politiconan a bisa cu Betico no por papia den number di Aruba como cu MEP e tempo ey a saca 7 asiento den su prome salida. Betico a bisa nan: "Mi ta bay

consulta cu mi pueblo y lo mi bolbe". Dia 18 di maart 1973, Betico a organisa un manifestacion masal den Wilhemina Stadion, momento parlamentarionan Hulandes tabata na Aruba, cual a haci un impacto enorme.

Betico a unifica pueblo cu Himno y Bandera:

Den e proceso Betico a boga pa union pa asina henter e pueblo por sostene e lucha. Betico a forma un comision pa Aruba por haya su propio himno y bandera. Dia 18 di Maart 1976, nos bunita bandera a bay halto den Wilhemina stadion y nos himno Aruba dushi tera a resona. Esaki a crea un impacto di orguyo den nos Arubianonan, unda mas y mas hende cu un amor patria a acerca pa sostene e lucha di Status Aparte. Dia 25 di maart di aña 1977, a organisa un referendum pa pueblo mes por dicidi su futuro a traves di Bos di Pueblo, Ta Bos di Dios (Vox Populi, Vox Dei). Lamentablemente, AVP cu su lider nobo e tempo aya, Henny Eman a pidi tur hende pa NO bay vota y pa nan bay lama pasa dia cu famia. Henny Eman no a logra su intento pa boycotea e referendum. Pueblo a reacciona masalmente cu 82.5% di voto na favor. Aprobando di e manera aki e lucha di Betico cu un sosten masal y incondicional.

Augustus scur na aña 1977:

Na aña 1977, MEP a obtene 5 di e total di 8 asientonan pa cu Parlamento di Antias durante eleccion. Lamentablemente, Gobierno Central a yuda pa PPA e tempo aya, a laga MEP for di gobierno. Esaki a trece cu ne un ola di manifesto cu a desemboca den augustus scur. Durante e manifestacion masal aki, WEB su servicio strategicamente a cay afor y Aruba a bay den un blackout total. Gobierno di turno e momento ey, a manda refuerso di Riot Comando di Curaçao pa purba trece tranquilidad. Tironan a cay riba nos hendenan. Esaki ta forma parti di nos historia di Status Aparte. Riot Comando hasta a dreña cas di e mayornan di Betico na Santa Cruz na un manera inhusto. Sinembargo, esakinan no a frena of stop Betico pa sigui cu e lucha. Na aña 1978, Betico ta wordo encarcela pa 7 dia momento a haya un revolver bou di asiento di su auto, mientras nunca por a prueba cu e revolver ta di Betico. Hopi triki a wordo uza pa purba spanta Betico. Pueblo a compañía Betico, hib'e prison na Dakota e tempo aya. Betico su



palabranan historico: "No tin lucha sin sacrificio y no tin sacrificio sin gloria!"

Aruba ta logra Status Aparte:

Dia 12 di maart 1983 durante Conferencia di mesa redonda na Den Haag, Ruud Lubbers a expresa na final e palabranan historico: "De Kogel is door de Kerk". Akinan Betico y delegacion den number di Aruba a logra convence e Hulandesnan y Aruba a haya su Status Aparte entrante 1 di januari 1986, pues tabata tin 3 aña pa prepara esaki.

Betico ta wordo tira:

Dia 24 di april 1983, Betico yegando veld di Nadi Croes/Crismo Angela (veld di Winston antes) a wordo tira pa un agente policial Libier. E multitud presente y henter pueblo a bay for di control. E polisnan mester a bandona e sitio pa pueblo por a purba calma. A hiba Betico Merca y despues di varios operacion, Betico ta recupera y ta sigui cu e lucha. Finalmente, dia 31 di december 1985 rond 9 di anochi, 3 ora prome cu aña nobo, unda nos mester celebra e logro di Betico y su lucha, Betico ta accidenta, bay 11 luna den coma y ta fayece na Hulanda na un edad di 48 aña y nunca a biba pa mira su propio lucha wordo cristalisa.

Betico a laga logronan grandi atras:

Betico cu Status Aparte a logra pa Aruba tin su propio gobierno, parlamento, gobernador, procurador general, banco central, moneda, himno, bandera y ortografia. Pues, a laga un herencia valioso pa nos y manera Betico a bisa na su yegada for di Hulanda: "Laga locual nos a logra awe ta un clompi diamanta". Dia cu nos Status Aparte mester wordo menasa atrobe, esaki ta significa guerra. Danki Betico. Ban celebra Dia di Betico en grande y traspasa e bunita historia aki pa nos yiunan y nos futuro generacionnan.

POLIS A CONFISCA SAKITO CU MARIHUANA FOR DI TRIO DEN AUTO NA BUCUTIWEG



Diabierna anochi polis a haya holor di marihuana for di un auto na Bucutiweg, mesora polis a para pa controla e auto.

Como tin 3 hende den auto

polis a pidi refuerso di un otro patruya y a listra den e auto.

Durante e listramento polis a haya un sakito conteniendo marihuana.

Polis mesora a confisca esaki. Un di e tresnan a admiti cu ta di dje pa su uso personal. Polis a kita esaki for di dje y despues nan por a sigi nan rumbo.

A vibrant advertisement for dental services. The background is dark purple with colorful confetti and streamers. A man wearing a brown fedora, sunglasses, and a white shirt is smiling and gesturing. The text reads: "COMPOSITE VENEERS THE SECRET TO A PERFECT CARNIVAL SMILE ON A BUDGET". Below this is a logo for "Ernesto Bermudez DENTAL SOLUTIONS" featuring a stylized tooth. At the bottom, it says "Public Figure: Rocco Flava". On the left side, there are social media icons for Instagram and Facebook, both labeled "DENTAL SOLUTIONS ARUBA".

MINISTER ENDY CROES A REUNI CU E REPRESENTANTENAN DI STICHTING SOAZA UNDA A TRATA DIFERENTE PUNTO DI INTERES



Recientemente, Minister Endy Croes hunto cu Sra. Alexandra Tromp – Vrolijk a reuni cu Sra. Esther Kortram -Wilson, Sra. Mirugia Leocadia -Zink y Sr. Calix Ashby di Stichting Onderwijs van Advent Zending Aruba (SOAZA). Durante e

encuentro, a trata diferente topico di interes, manera e modelo di scol cu Soaza ta brinda na comunidad di Aruba. Soaza ta opera cu e sistema Americano pa e programanan di “Middle” y “High School” bou di 2 plataforma digital: Ideal School y Dawere



International High School, cual ambos tin Cognia Accreditation.

Tambe, e directiva di SOAZA a informa Mandatario di Enseñansa cu nan scol secundario tin un lista di espera. Pa acomoda e studiantenan aki, SOAZA a indica cu e scol tin mester di 2 lokaal extra y ta desea planifica di awo pa augustus con Gobierno di Aruba por

yuda cu esaki. Sea ta cu un edificio bashi na San Nicolas of cu 2 modulair pa asina nan por agrega 2 klas adicional pa aloca e alumnonan. Ademas di esaki, a trata un proyecto di innovacion unda cu e scol ta ricibi financiamiento.

E proyecto aki ta yegando su final. A guia nan den e proceso con pa aplica pa ricibi financiamiento via DUOS. Finalizando,

Minister Endy Croes a expresa cu e tabata un bon reunion, unda a cera conoci un poco mas di cerca cu otro, kico e scol aki ta significa y con nan ta prepara nan alumnonan. A palabra cu lo keda den comunicacion cu otro pa e puntonan cu mester di atencion y percura pa hunto nos resolve esakinan prome aña escolar nobo.

VIAHERO NO A SER PERMITI ABORDA AVION BAO INFLUENCIA DI ALCOHOL



Diabierna atardi polisnan di frontera a para un viahero cu kier a aborda avion bao influencia, esaki ta un medida cu aviacion civil en general a

implementa mundialmente como prohibicion pa e seguridad di tur viahero. Pesey polis di frontera a detene y a impedi su abordahe.



POLIS INVESTIGANDO SI AUTO ENVOLVI DEN ACCIDENTE HIT & RUN TA UN AUTO CU A SER HORTA OF NO



Diahuebs atardi a drenta informe di un accidente hit & run na e rotonde banda di Sun Plaza pero den anochi e doño di e auto a aparece na warda di polis informando cu nan lo a horta su auto.

Un rato despues polis ta señala e auto para patras di Sun Plaza.



Mirando cu e auto ey tabata envolvi den un accidente mas tempran y despues e doño a raporte como horta polis a confisca e vehiculo pa mas investigacion.



DIA DI BETICO NOS LIBERTADOR DIA DI BETICO NOS LIBERTADOR DIA DI BETICO

25 JANUARI 2024 | CEDE DI MEP | 11AM - 2PM

BAN CELEBRA

GILBERTO FRANÇOIS "BETICO" CROES

DIA DI BETICO

Gara e bandera y sigui cu e lucha!

CUMINDA SNACKS | **BAR BON SURTI** | **SHINE MUSIC** | **1-2 PM AMBIENTE MUSICAL**

MOVIMIENTO ELECTORAL DI PUEBLO mepofficial mep.aruba



ANUNCIO

SETAR ta informa orario adapta pa su Teleshopnan:

- **Diaranson 24 di januari 2024** tur Teleshop ta habri di 8.00 am pa 3.30 pm.
- **Diahuebs 25 di januari 2024** tur Teleshop y oficinanan ta cera.
- **Diabierna 26 di januari 2024** tur Teleshop y oficinanan ta cera.

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.



Minister Endy Croes:

DIRECTIVA DI UNIVERSIDAD DI ARUBA Y PROFESOR DI UNIVERSIDAD DI UTRECHT A DUNA UN AVANCE DI E PROYECTONAN DI UNIVERSIDAD DI ARUBA

: Minister di Enseñansa y Deporte Endy Croes a reuni cu profesor di Universidad di Utrecht dr. Mirko Noordegraaf hunto cu directiva di Universidad di Aruba Sra. Sue-Ann Lee y Sra. Mieke Droog.

Diaranson ultimo durante e reunion, a duna un avance di e proyectonan di Universidad di Aruba, entre otro, a entrega Minister Endy Croes e conseho positivo di NVAO (Nederlands Vlaamse Accreditatie Organisatie) di e Opleiding Bachelor Organization Governance Management (OGM). Un otro topico cu a trata durante e reunion ta e programa di Master

den Governance and Leadership, cual ta un estudio di dos (2) aña. E estudio aki ta conta cu 23 empleado di diferente organisacion di Aruba. Tambe, a duna un avance riba e Functiehuis. Nan ta repasando tur structura di Universidad di Aruba y acopl'e cu e structura di salario.

Tin diferente compania profesional ta dirigiendo Universidad di Aruba riba e parti aki. Ta premira cu lo tin cu rapport di esaki prome cu final di e aña 2024. Fuera di esaki, a dialoga brevemente di e gobernacion di Universidad di Aruba. Por ultimo, a duna un avance



di Maria Convent, cual ta un proyecto grandi cu Gobierno di Aruba hunto cu UNESCO y Leuven a inverti 5.5 miyon florin.

E proyecto aki lo ta compelamente finalisa den e luna di mei di e aña aki. Pa finalisa, Minister Endy Croes ta indica cu e tabata

un bon reunion, unda a trata diferente punto importante en cuadro cu Universidad di Aruba.

UN MAINTA SUMAMENTE FRUCTIFERO ROND DI 30 PROFESIONAL DI BUREAU TRAIMERDIA



Aña 2024 ta habri y team di DMH ta sigui brinda presentacion interactivo cu informacion general di ley diCodigo di Proteccion (CdP), cu e Departamento di Mucha y Hoben (DMH)

ta encarga cu ne.

E mainta a tuma lugar na Biblioteca Nacional di Aruba situa na Playa. Dos Supervisor di Codigo di Traimerdia, Yuneida A. y Geraldine M. a extende e invitacion na team di DMH. Esaki ta debi cu Bureau Traimerdia a finalisa nan protocol y maneho concreto riba e implementacion di Codigo di Proteccion na henter staf di Traimerdia.

DMH a elabora den corto riba e contenido di e ley di CdP y tambe kico ta e 6 categorianan di abuso di mucha, tambe a elabora y splica amplio riba e online toolkit y con esaki por yuda

cada profesional.

DMH ta satisfecho y contento cu e participacion activo di e profesionalnan aki, cu ta traha tur dia cu nos muchanan. E remarcanan positivo manera; “dicon a dura asina largo, prome cu CdP a yega cerca nan”, sigur ta hopi positivo, mirando cu nan tin e necesidad y relevancia pa traha cu un plan structural y uniforme. DMH ta conclui cu e mainta a bay bon y cu e profesionalnan a keda suficiente informa y inspira pa tuma e pasonan adecuado, na momento cu tin un sospecho di abuso di mucha y con nan lo aplica e pasonan di CdP.



Prome Minister Evelyn Wever-Croes:

Durante bishita di emabahadora di Reino na Washington y di Consul General di Reino na Miami;

GOBIERNO A ORGANISA UN ENCUENTRO CU SECTOR PRIVA NA TASTE MY ARUBA

“Nan ta sumamente impresiona cu e maneho di Gobierno y nos recuperacion”



Embahadora di Reino na Washington, señora Birgitta Tazelaar y Consul General di Reino na Miami señora Lisette den Breems ta na Aruba pa un bishita pa cera conoci cu Gobierno di Aruba y haya un miho conocimiento di e vision general di Gabinete Wever-Croes, con pa traha mas hunto y kico ta e oportunidadnan cu nan ta

mira pa Aruba na Merca.

Diahuebs anochi, den conexon cu e bishita, Minister di Asunto Economico, Comunicacion, y Desaroyo Sostenibel Geoffrey Wever, a organisa un encuentro cu sector priva na Taste My Aruba. E meta di e encuentro aki cu sector priva ta pa e Consul General

y Embahadora scucha di nan banda tambe, nan idea y sugerencianan di e oportunidadnan cu por tin.

Durante e pandemia, nos a realisa cu Aruba no por ta dependiente solamente di un pilar economico, y p'esey pa 2024, Aña di Stabilidad y Prosperidad, diversificacion di e economia, pa Gobierno di Aruba ta un prioridad. Pa logra esaki, Gobierno mester por conta cu sector priva y probecha di tur oportunidad cu tin den Merca.


“Tanto e embahadora y e consul general na Miami ta sumamente



encanta cu Aruba y nan ta sumamente impreciona di e maneho cu Gobierno a hiba durante Covid y con lihe Aruba ta recuperando

y e ambicionnan cu nos tin pa sigui crece”, Prome Minister Evelyn Wever-Croes a expresa.

LADRONNAN A PURBA DRENTA HORTA DEN ECOTECH NA PARKIETENBOS



Diahuebs anochi a dreठा informe di intento di ladroncia na Ecotech, mesora a dirigi patruxa na e sitio. Na yegada di e patruxa a bin compronde cu un grupo di hoben a purba dreठा



den e lugar pero ora polis a yega nan a somenta. Polis a busca rond y a bin haya algun auto laga atras habri sin lock na un forma sospechoso. Net un dama a yega na e autonan pero e dama



a bisa cu ta cana e tabata cana polis a dun'e beneficia di duda pero a tuma su datonan pero e otro auto cu tambe tabata habri a keda y polis a scirbi e number pa mas investigacion.

5 RASON PA COME GELATINA DEN DIETA

Bo conoce e motibonan pa come gelatina of jello den bo dieta? Gelatina a bin ta popularisa como un di e dessertnan saludabel cu por wordo incorpora den e dieta.

E ta abao den caloria y ta conta cu nutrientenan di balor halto energetico cu ta apoya e funcionnan di e metabolismo pa baha di peso cu mas facilidad.

Durante hopi tempo a pensa cu no tabta conveniente consumi'e, dado cu e presentacionnan comercial ta contene colorante y añadi cu no ta asina bon. Sin embargo, awendia ta conseha den su estado natural, ya cu e ta yuda calma hamber na e momentonan di ansiedad.

Entre otro cosnan, e ta un ingrediente rico den proteina y compuestonan antioxidante cu, una bes cu e asimila den e curpa, ta faborece e formacion di masa muscular y demas proceso cu ta interveni den e peso.

Dicon ta recomenda come gelatina den e dieta? Descubri esey!

Kico ta gelatina?

Prome cu conoce e beneficianan di gelatina den e dieta pa baha peso, ta conveniente pa nos repasa kico ta e alimento aki y di kico e ta compone.

E asina tambe yama grenetina, ta un espesante di origen animal cu por wordo obteni door di e proceso di e tehidonan conectivo di baca y di porco. Riba mercado por hay'e como gelatina sin sabor den polvo of lamina, cual sa wordo emplea den elaboracion di dessert y otro interesante variedad di receta.

E compuesto aki, principalmente di colageno, pero tambe ta aporta na carbohidrato, antioxidante y awa.

Rasonnan pa come gelatina den e dieta

Tin varios motibo pa ora

come gelatina den e dieta, ta yuda baha peso. Por supuesto, tur cos ta depende di e maneranan cu e ta wordo prepara.

En general, si combina e ingredientenan sano y natural, e ta un dessert ideal pa cualkier alimentacion balansa. Laga nos wak su beneficianan:

1. E ta calma ansiedad

Inclui gelatina den dieta ta yuda reduci ansiedad pa cuminda. Un di e beneficianan mas destaca di come gelatina den dieta, ta cu e ta yuda wanta e hamber. Danki na esey, por disfruta un snack abao den caloria cu ta reduci e continuo antohonan cu ta hiba na come den exceso.

2. Ta mehora e rendimiento deportivo

Apesar di su contenido abao di caloria, gelatina ta un fuente di proteina y zetmeel cu ta sibi como fuente di energia. Hunto cu su vitamina y mineralnan, e ta un alimento completo cu ta permiti mehora e rendimiento deportivo.

3. Ta yuda forma masa muscular

Nos por consumi gelatina den nos dieta si nos kier aumenta masa muscular. Un di e aminoacidonan cu ta aporta na e gelatina, ta arginina.

E substancia aki, ora cu e ta asimila den e curpa, ta yuda obtene creatina. Manera algun hende sa, e compuesto aki ta determinante den e proceso di formacion di masa muscular. Hunto cu otro proteinanan, e ta ideal pa un curpa fuerte y tonifica.

4. Ta mehora e digestion

Come gelatina den dieta ta apoya e procesonan digestivo y ta mehora e asimilacion di algun nutriente. Esaki ta debe na su contenido di un aminoacido yama glicina, cu ta stimula e acido clorhidrico den e stoma. Tambe e ta com-



bati barica cera y ta reduci e refluho acido.

5. E ta liber di vet y colesterol

Cu diferencia di otro dessertnan dietetico, gelatina light no ta contene vet ni colesterol. Si ta evita preparadonan cu sucu of componentenan artificial añadi, e ta algo hopi sano cu no ta hacibo aumenta di peso.

Menu cu gelatina pa baha peso

E forma mas saludabel di consumi'e ta pa crea nos propio dessertnan di gelatina. E miho manera di probecha di e beneficianan di gelatina den e dieta ta incorpor'e na e manera mas naural posibel.

Si a bon, riba mercado tin hopi dessert di gelatina interesante, mayoria di nan ta implica pa usa otro ingrediente carga di caloria. E recetan light cu gelatina por wordo consumi maita mainta of durante lunch.

Sin embargo, tambe ta propone su preparacion den "juice" ya cu asina e por wordo añadi cu facilidad na e menu di cualkier dieta adelgazante. Nos lo dunabo un ehempel:

Desayuno

- 1 glas di juice di gelatina (200ml)

- 1 cup di koffie of thee (250ml)

- 2 pida pan bruin cu keshi crema

- 1 fruta na gusto

Lunch

- 2 cuchara di aros bruin (40g)

- 1 pida galiña of pisca (100g)

- 3 racion di berdura na vapor

- 1 comchi di salada mixto

- 1 glas di shake di gelatina cu fruta.

Dinner

- Sopi di berduga

- Porcion di gelatina light

- 1 cup di thee berde (250ml)

Nota: e menu proponi ta solamente un ehempel di con pa come gelatina den e dieta. No mester basa e alimentacion diario solamente riba e alimentonan menciona.

Juice di gelatina pa baha peso

E juice di gelatina por wordo consumi como parti di desayuno of na ora di lunch. E ta un alternativa rapido y facil pa probecha e bondadnan di e alimento aki den e dieta.

Sin embargo, no mester tum'e di forma excesivo, dado cu e tin un efecto

laxante.

Ingrediente

- 3 cuchara di gelatina sin sabor (45 g)

- 1 cup di awa cayente (250ml)

- Pidanan di fruta (na gusto)

- 1 cuchara di linasa mula (15g)

- 1 telep di ginger raspa (5g)

- Blokinan di ijs (opcional)

Preparacion

- Dirti e gelatina sin sabor den un cup di awa cayente.

- Basha e glas den blender y proces'e cu e demas ingredientenan.

Modo di consumo

- Dividi e juice pa dos porcion di dia: uno pa mainta y otro pa merdia of atardi.

Ainda bo no a inclui gelatina den bo alimentacion regular? Manera cu bo por nota, e ta un alimento cu hopi beneficio. Prepar'e cu recetan light y haci'e bo aliado den bo dieta.

PUEBLO A HAÑA SU PEN BEK

Pa kualkier informacion
solodipueblo@gmail.com

or
585-9500

Accidente pa falta di preferencia na e crusada Oranjestraat cu Wilhelminastraat




Auto horta mainta na Alto Vista a ser haya destrui na Madiki Kavel den oranan di atardi



Diabierna mainta a drenta informe di cu ladronnan a bay cu un auto for di Alto

Vista y den oranan di atardi a bin haya e Kia Rio aki cu bao di stu-

urwiel destrui. Mesora polis a confisca e vehiculo aki pa mas investigacion.



VALIDO TE DIALUNA 22 DI JANUARI 2024,
18:00 ORA
TEMPO:

AWE TARDI Y AWE NOCHI:
PARCIALMENTE NUBLA CU UN POSIBLE
AWACERO PASAJERO

DEN MARDUGA Y MAYAN: PARCIALMENTE
NUBLA CU UN AWACERO PASAJERO
TE BREVE

AVISO/ ALERTA:

UN AVISO PA BOTO CHIKITO TA NA VIGOR
PA PARTINAN

OOST TE NOORDWEST DI COSTA Y RIBA
LAMA HABRI.

PRONOSTICO DI TEMPO PA PROXIMO 3 DI-
ANAN:

PARCIALMENTE NUBLA CU UN AWACERO
BREVE.

BIENTO LO TA FOR DI DIRECCION OOST Y
MODERA

TE BASTA FUERTE, FUERTE TE DURO DEN
RAFAGA;

TEMPERATURA (GRADO CELSIUS) MAX /
MIN LO TA: 32 / 26



PLATAFORMA
LEV DI CACHO

CACHO
DEN CURA
LEY E TA!







Fusebox a pega na candela, posiblemente awa di yobida a haci corto circuito



Diabierna madruga a drenta informe di cu tin un candela na un cas na Sabana Blanco, mesora

a dirigi tanto polis como bombero na e sitio. Na yegada di bombero nota cu no tabata tin candela

pero si un corto circuito cu a kima parti di e kashi coriente posiblemente door di e

awa di yobida. Bombero a baha e switch di coriente y a recomenda e habitantenan pa busca un tech-

nico pa resolve esaki den oranan di dia.

Ladronnan a horta un auto y a accidenta cun'e na Montaña, polis a detene un hoben como sospechoso



Diahuebs anochi a drenta informe di cu ladronnan a horta un auto y e doñonan ta tras di dje den Sabana Liber, un rato despues e auto aki accidenta na e bocht di Montaña. Polis mesora a bay na e sitio y a bin compronde cu esnan den e auto a core sali na pia. Polis a topa cu un hoben sospecha cu lo ta-

bata cu e auto. Pero ora a mira e foto di e camara di seguridad su estatura no tabata cuadra cu esun cu lo a bay cu e auto. Pero den su poder polis a haye cu un cuchiu y un cedula cu no ta di dje y polis a detene toch. Polis a confisca e auto pa mas investigacion.



Accidente pa falta di preferencia na e crusada Oranjestraat cu Wilhelminastraat




Auto horta mainta na Alto Vista a ser haya destrui na Madiki Kavel den or- anan di atardi



Diabierna mainta a drenta informe di cu ladronnan a bay cu un auto for di Alto Vista y den oranan di atardi a bin haya e Kia Rio aki cu bao di stuurwiel destrui. Mesora polis a confisca e vehiculo aki pa mas investigacion.

Spiritu Santo ta duna bida. Y nos sa cu Dios ta haci tur cos obra hunto pa bon
pa esnan cu ta
stima Dios, pa esnan cu ta yama segun Su proposito. (Romanonan 8:28)
Cu inmenso tristesa pero alabes agradecido di por a comparti bida cu
nos kerido Omo cu tin un curason di oro y cla pa yuda tur hende,

nos ta participa fayecimento di



RAYMUNDO WERLEMAN

cariñosamente yama "Mo Rey" of "Omo Yey";

Na number di tur sobrinonan y sobrinanan:

Maria, Meto, Silvia, Irene, Joy, Flip, Nick, Emile y Gina Werleman y famia
Ina, Rita y Sira Werleman y famia

Cobi y Deta Maduro y famia

Mai, Betty, Buchi, Maria, Esy y Leo Werleman y famia

Frido, Wimpy, Mariana, Roy y Gina Werleman y famia

Wina, Rita, Anchy, Ica y Lucia Werleman y famia

Jenny y Glenda Geerman y famia

Richard, Monty, Jeanette y Rudy Croes y famia

Lenny, Dino, Giovanni y Setty Yarzagaray y famia

Fabian y Kathleen Werleman y famia

Stella, Marline y Janine Geerman y famia

Ian y Gian Werleman y famia

Ta invita pa compaña nos na e acto di entierro cu lo tuma lugar diamars 23 di
januari 2024, saliendo for di Misa Inmaculada Concepcion na Santa Cruz.

For di 2'or di atardi e restonan mortal di nos defunto stima lo ta reposa
den Misa.

Pa 4'or tin un Santo Sacrificio di Misa sigui
despues pa Santana Catolico "Santa Maria" na Santa Cruz.

Cu Omo Rey sosega na paz den brasa di Señor

AMI TA DICIDI? OF TA DIOS TA DICIDI TOCANTE SEXUALIDAD?

Esnan den organisacion y social ta duna lectura y charlanan tocante medianan pa tuma control di saludsexual y anticonceptivonan na e hobennan? Nan ta promove algo cu no ta un educacion Cristian y cu no ta bini di Dios. Ta ki ehempel y educacion esey ta? Esey ta pa promove libertinahe sexual den nos hubentudnan? Educacion sexual mester ta basa segun Dios Su boluntad y den un bida Cristian. Mester sinja tur e hobennan, cu relacion sexual mester sosode solamente den casamento den e Sacramento di Matrimonio cu ta Dios Su boluntad, lesa den Bijbel Mateo 19: 5-6, loke Dios ta bisa: “P'esey un homber lo laga su tata y su mama, pe uni su mes cu su muher y e dosnan aki lo bira un curpa. Di manera cu ya nan no ta dos mas, si no un solo curpa y loke cu Dios a uni, no ta permiti hende di separa.” Esaki ta e casamento den e Sacramento di Matrimonio pa Dios den Misa y den e union aki di un solo curpa ta significa, cu Dios ta uni e pareha den nan relacion sexual, pa satisface nan curpa y pa lanta famia. E relacion sexual mester sosode solamente den e Sacramento di Matrimonio, pasobra tur relacion sexualnan haci pafor di e Sacramento di Matrimonio, ta condenabel pa Dios den fierno, lesa den Bijbel 1 Corinthionan 6: 9-10, y tambe tocante di e relacion sexualnan prohibi cu ta e pika di fornicacion y e destino final ta den fierno. Den e di 9 Manda-

mento di Dios ta bisa: “Lo bo no comete e pika di fornicacion y e pika di deshonesto.” Akinan Dios ta prohibi tur relacion sexual pafor di e Sacramento di Matrimonio, lesa Bijbel 1 Corinthionan 6: 18 – 20. Y e pika di deshonesto, ta esnan cu ta deshonor nan mesun curpa den e mesun sexo, lesa Bijbel Levitico 18: 22 / 20: 13. Tur sorto di anticonceptivonan, ta contra di Dios Tata Su procreacion humano. No ta pa hende dicidi esey y ni pa husga tocante di bida humano, pasobra ta Dios Tata ta E Autor di bida y no hende. Lesa den Bijbel Genesis 38: 6-10, na unda Dios Tata a condena Onan na morto, pasobra Onan tabata benta su spermanan afo pa no laga su senjora sali na estado. Asina tambe Dios ta condena den fierno tur esnan cu ta usa anticonceptivonan pa no sali na estado. Dios ta condena e hombernan cu ta haci masturbacion y ta benta nan sperma afo, hombernan cu ta usa condom pa benta nan sperma afo. Muhernan cu ta usa pildonan pa no sali na estado, muhernan cu ta opera, cu ta konopa, cu ta usa spiral pa no haya yiu etc. Hendenan mester comprende bon, cu Dios Tata a traha hende muher pa planea famia hunto cu su casa den e Sacramento di Matrimonio, p'esey hende muhernan tin nan ciclonan y nan periodenan cu ta e dianan di fertilidad, e dianan di infertilidad y dianan di menstruacion. Hende muher ta planea nan



famia den e ciclonan y den e periodenan y no den e anticonceptivonan cu ta bini di satanas. Ta e diabel mes a bini cu e anticonceptivonan pa hende sera porta pa Dios Su procreacion humano, ta e diabel mes kier pa hende homber benta nan sperma afo, ta e diabel mes ta promove mas libertinahe sexual den nos hubentudnan pa hendenan regala y cumpra su anticonceptivonan. Ta e diabel kier pa bo usa su anticonceptivonan pa bo wordo condena mescos cu Onan cu a benta su sper-

ma afo. P'esey tur esnan cu ta stroba Dios Su Autor di bida of ta sera porta y ta promove libertinahe sexual, nan ta comete un pika grandi y condenabel. Compronde bon, ta Dios ta duna bida y alma, pa nos bini den e mundo aki y ta Dios ta yama nos, pa nos laga e mundo aki. Pesey, educacion sexual pa hobennan mester bini for di cas, na unda cu tata y mama ta papia cu nan yiunan. Tambe educacion sexual pa hobennan por bini for di

esnan den cooperador pastoral den Parokia, pastornan of di hendenan hopi spiritual. Educacion sexual mester ta algo priva y personal den famia y no di esnan cu bo no sa ken nan ta y no Cristian, cu ta bini pa sinja bo yiunan tocante safe-sex, saludsexual y anticonceptivonan. Awor e pregunta ta: Ami ta dicidi of ta Dios ta dicidi? Of mihor bisa, ta na unda bo kier bay despues di morto? E lugar cu ami mes a dicidi of e lugar cu Dios a dicidi pa mi? Seferino Tromp



Obituario

Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia Afl 250,00


Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**

Chauffeur bou influencia, ta causa accidente den bocht conoci di Santa Cruz



Santa Cruz - Diasabra marduga polis y despues tambe ambulance a bay den e bocht peligroso cu ta dreña Santa Cruz via Piedra Plat.

Eynan dos auto a dal den otro y lo tawata tin un persona herida, den un di e

vehiculonan.

Na yegada di polis nan ta topa cu un Chevrolet Vivant y Honda Odyssey.

Mayoria accidente den e bocht ta sosode momento cu un di e vehiculonan ta hala mucho na su banda

robes, causando cu e otro vehiculo coriendo bon no por haci mucho y ta wordo gedal.



Na e sitio, polis a constata cu chauffeur di e Vivant fuera di tawata bou influencia e no por a muestra algun documento. Eynan mes e la wordo deteni y hiba warda den e patruya di polis mes.

Paramediconan cu a yega e sitio a atende e cabayero di e Honda na e sitio mes. Takelwagen mester a presenta pa move e auton, door di e daño material nan no por a move ariba nan mesun forsa.

ORACION DI DIA

Un dia fructifero y cu Dios brasa boso cu Su amor paternal

"A traha sabbat pa hende y no hende pa sabbat"(Marco 2, 27)













Evangelio di awe ta yama nos atencion riba loke ley ta regla den bida:









ordena e relacion den nos comunidad pa haci nos bira consciente di nos propio responsabilidad den e sociedad di cual nos ta forma parti como ser humano. E palabra "ley" of regla por irita nos un poco. Principalmente ora nos atencion wordo yama riba loke nos a haci robes of ora nos a keda sin haci algo. E camindanan di Dios no ta nos camindanan pa via di nos debilidad como ser humano. Den nos relacion cu nos ruman, ta surgi problema, pregunta, disgusto cu tin biaha nos no por comprende. Experiencia humano ta muestra nos tentacion humano.


Como ser humano nos tin tendencia di haci hende catibo di ley. Mientras cu ley a wordo diseña pa sirbi humanidad, tin bes nos no por comprende e actitud di nos ruman. Tin bes hasta nos no por comprende nos mes actitud. Nos ta bira consciente di esaki ora nos tuma nota cu Dios no ta scoge poderosonan pa cumpli cu Su trabou aki na mundo. Al contrario, E ta scoge humildenan pa muestra poderosonan Su caminda.

Oracion: Señor, manda nos Bo Spirito Santo, e Spirito di amor pa nos sa di busca Bo camindanan pa por sirbi nos rumannan den tur humildad.

Amen.

 <div>Paardenbestraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 21 Jan 2024 Merdia</div>		
 <div>Sorteo # 4159 0006 6339 7193</div>	 <div>Sorteo # 0 x Jackpot 0 x Match 4+ 0 x Match 4 0 x Afl. 12,00</div>	<div>Joker Letter Proximo Jackpot 300.000,-</div>
 <div>Sorteo # 4159 2451</div>	 <div>Sorteo # 6365 0 x Jackpot 3 x Match 4 109 x Afl. 8,00</div>	<div>03-10-11-12-15 Proximo Jackpot 60.000,-</div>
 <div>Sorteo # 2215 0152</div>	 <div>Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	<div>Mega Ball Proximo Jackpot 390.000,-</div>
 <div>Sorteo # 4159 4143 Scorpio</div>	 <div>Afl. 520.000,-</div>	
 <div>Sorteo # 1033 349</div>		
 <div>X3</div>		

 <div>Paardenbestraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 20 Jan 2024 Anochi</div>		
 <div>Sorteo # 8151 7105 1444 2521</div>	 <div>Sorteo # 2460 0 x Jackpot 1 x Match 4+ 8 x Match 4 150 x Afl. 12,00</div>	<div>03-05-22-24-29 Joker 12 Letter B Proximo Jackpot 300.000,-</div>
 <div>Sorteo # 7195 7448</div>	 <div>Sorteo # 63623 0 x Jackpot 7 x Match 4 129 x Afl. 8,00</div>	<div>01-04-13-21-29 Proximo Jackpot 58.000,-</div>
 <div>Sorteo # 1900 1027</div>	 <div>Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	<div>Mega Ball Proximo Jackpot 390.000,-</div>
 <div>Sorteo # 5954 4646 Cancer</div>	 <div>Afl. 520.000,-</div>	
 <div>Sorteo # 884 885</div>	 <div>Sorteo #</div>	
 <div>X5</div>		



	3	8			2	4	
6			9		2		1
		4			8		6
4	7	1	2			3	5
		5					1
	8	3			6	7	
		6		1	5	2	9
		2				8	

Cu gran tristeza na nos curason nos ta participa fayecimento di nos ser stima:

Drs. Emile Weststrate
*27 januari 1946 - †17 januari 2024

Dokter di cas
Ex-presidente de HAVA

Co-fundador di Huisartsenopleiding Aruba

Ex-miembro di Raad van Toezicht di dr Horacio Oduber Hospitaal
Ex-miembro di tuchtraad di Hof van Justitie di Aruba y Curacao

Medico di deporte
Medico di malesanan tropico
Miembro di grupo veterano di Aruba Dolphins

Na number di su:
Esposa: Violeta Weststrate-Pichardo
Yiunan: Jeroen y Lily Weststrate-Mileta
Joris y Seraja Weststrate-Engelbrecht
Jean-Pierre y Gabriella Weststrate -Seittiffe
Nieto(a)nan: Daniel, Stefan, Mia-Rose, James, Ty Derick, Maurits Weststrate, Albert

Carolina

Mayornan: †Chris y †Maria Weststrate-van Bergen
Ruman: †Chris y Elisabeth Weststrate-Hoen na Hulanda
Swa y cunanan: †Rafael Pichardo y famia na Merca
†Clara Augusta y famia na Merca
Bienvenida Mercado y famia na Merca
†Isabel Pichardo y famia na Merca
Danilo y Simone Pichardo-Breuer na Hulanda
Gabriel Pichardo y Yvette Zichem

Mama di Jeroen y Joris: Sra Reny Trinks
Su miho amigo(a)nan manera ruman: Roly y Winnie Bisslik, Eduardo de Veer, Mahlon Lewis,
David Janse, Dr. Benita Brit-Croes, †Bob Stamper, †Ronald Eerdmans, Bas Boswinkel na
Hulanda, Dr Regina Kiewiet na Hulanda, Rick Dillworth na Merca, Vito Carolina
Un danki special na Dr. Nathalie Winterdal y Dr. Sharline Vis, Kimberly de Groot, Dr. Nuris
Lampe, Dr. Cheng, Marijke MacJannet, Andra Petrocchi, Dr. Ladenius y Dr. Sanchez y na
personal di Hospice Atardi.
Demas famia Weststrate, Pichardo, van Bergen, Engelbrecht, Mileta, Seittiffe, Bisslik, Ras y
Breuer
Nos mas sincero disculpa si den nos tristeza, nos por a lubida algun famia of conocir.

ta invita demas amigonan, conocirnan, ex-patientnan, coleganan y bisiñanan pa asisti na acto di condolencia cual lo tuma lugar diamars 23 di januari 2024 di 6:00 pm pa 8:00 pm na Aurora Funeral Home.

Acto di despedida y cremacion lo tuma lugar diaranson 24 di januari 2024 di 2or pa 4or di atardi na Aurora Funeral Home.

Acto di cremacion ta tuma lugar den seno familiar.

Nos ta lamenta cu despues di entierro nos no por ricibi bishita di condolencia na cas.

